

36

FORMULA BREVIOR BENEDICENDI
CORONAM SACRATISSIMI ROSARII B. M. V.

Propria eiusdem Ordinis

(Approbata a S. R. C. die 23 Novembris 1918)

Ad laudem et glóriam Deíparæ Vírginis Mariæ, in memóriam mysteriórum vitæ, mortis et resurrectionis eiusdem Dómini nostri Iesu Christi, bene * dicátur et sancti * ficétur hæc sacratíssimi Rosárii coróna: in nómine Patris, et Fílii, * et Spíritus Sancti.

R. Amen.

37

BENEDICTIO ROSARUM
SOCIETATIS SACRATISSIMI ROSARII

Propria eiusdem Ordinis

V. Adiutórium nostrum in nómine Dómini.

R. Qui fecit cælum et terram.

V. Dóminus vobíscum.

R. Et cum spíritu tuo.

Orémus.

Oratio

Deus, creátor et conservátor géneris humáni, dator grátiae spirituális, et largítor æternæ salutis, benedictióne tua sancta béne * dic has rosas, quas pro grátiis tibi exsolvéndis cum devotióne ac veneratióne beátæ semperque Vírginis Mariæ, eiusque Rosárii, hódie tibi præsentámus et pétimus benedíci: et infúnde eis per virtútem sanctæ Cru * cis benedictiónem cælestem, qui eas ad odóris suavítatem, et repelléndas infirmitátes humano úsui tribuísti; talémque signáculo sanctæ Cru * cis benedictiónem accípiant, ut, quibuscúmque in infirmitátibus appósitæ fúerint, seu qui eas in dómibus suis portáverint, ab infirmitate sanéntur: discédant diabóli, contremiscant et fúgiant pávidi cum suis mínistris de habitatióibus illis,

nec ámplius tibi serviétes inquietáre præsumant. Per Christum Dóminum nostrum.

R. Amen.

Et aspergantur aqua benedicta.

38

BENEDICTIO CANDELARUM
SOCIETATIS SACRATISSIMI ROSARII

Propria eiusdem Ordinis

V. Adiutórium nostrum in nómine Dómini.

R. Qui fecit cælum et terram.

V. Dóminus vobíscum.

R. Et cum spíritu tuo.

Orémus.

Oratio

Dómine Iesu Christe, lux vera, qui illúminas omnem hóminem veniéntem in hunc mundum: effúnde, per intercessiónem beátæ Vírginis Mariæ Matris tuæ, et per quíndecim eius Rosárii mystéria, bene * dictionem tuam super hos céreos et candélas, et sancti * fica eas lúmine tuæ grátiae; et concéde propítius, ut, sicut hæc luminária igne visíbili accénsa noctúrnas depéllunt ténebras, ita corda nostra, invisibili igne ac Spíritus * Sancti splendóre illustráta, ómnium vitiórum cæcitate cáreant: ut puro mentis óculo cernere semper possimus, quæ tibi sunt plácita et nostræ salutí utilia, quátenus, post huius sæculi caliginósa discrimina, ad lucem indeficiéntem pervenire mereámur: Qui vivis et regnas per ómnia sæcula sæculórum.

R. Amen.

Et aspergantur aqua benedicta.

39

BENEDICTIO CORONARUM S. BIRGITTÆ

Propria Ordinis Ssñi Salvatoris

V. Adiutórium nostrum in nómine Dómini.

R. Qui fecit cælum et terram.

V. Dóminus vobiscum.

R. Et cum spiritu tuo.

Orémus.

Oratio

Omnípotens et miséricors Deus, qui propter nímiā caritátem tuam, qua dilexísti nos, Fílium tuum Dóminum nostrum Iesum Christum pro redemptióne nostra de cælis in terram descéndere, et de beatíssimæ Vírginis útero, Angelo nuntiánte, carnem suscípere voluísti, ut nos eríperes de potestáte diabóli: obsecrámus imménsam cleméntiam tuam, ut has coronás in honórem et laudem Genetricis Fílii tui ab Ecclésia tua fidéli dicátas bene * dicas, et sancti * fices, eisque tantam infúndas virtútem Spíritus * Sancti; ut, quicumque eas portáverit, vel recitáverit, aut domi reverénter tenúerit, ab omni hoste et adversitáte semper et ubíque liberétur, indulgéntias lucrári possit iuxta mandátum sanctæ Románæ Ecclésiæ, et in éxitu mortis suæ a beatíssima Vírgine tibi plenus méritis præsentári mereátur. Per eúndem Dóminum nostrum Iesum Christum Fílium tuum: Qui tecum vivit et regnat in unitáte eiúsdem Spíritus. **R.** Amen.

Benedictio Dei omnipoténtis, Patris, et Fílii, * et Spíritus Sancti, descéndat super vos, et máneat semper.

R. Amen.

Et aspergantur aqua benedicta.

40

BENEDICTIO CORONÆ S. IOSEPH

Propria Ordinis Carmelitarum

V. Adiutórium nostrum in nómine Dómini.

R. Qui fecit cælum et terram.

V. Dóminus vobiscum.

R. Et cum spiritu tuo.

Orémus.

Oratio

Omnípotens et miséricors Deus, qui propter nímiā caritátem, qua dilexísti nos, Fílium tuum unigénitum Dóminum nostrum Iesum Christum pro redemp-

tióne nostra de cælis in terram descéndere, et de beatíssimæ Vírginis Mariæ útero, Angelo nuntiánte, carnem suscípere voluísti, ut nos de potestáte inimíci eríperes: obsecrámus cleméntiam tuam, ut hanc coronám in honórem, et laudem eiúsdem Genetricis Fílii tui, ac perdilécti eius Sponsi Ioseph, conféctam, et dicátam, bene * dicas, eíque tantam Sancti * Spíritus virtútem infúndas; ut, quicumque hanc secum portáverit atque in domo sua reverénter tenúerit, ab omni hoste visibili et invisibili semper et ubíque in hoc sæculo liberétur, et in éxitu suo, a beatíssimis illis Sponsis, plenus bonis opéribus tibi præsentári mereátur. Per eúndem Dóminum nostrum Iesum Christum Fílium tuum: Qui tecum vivit et regnat in unitáte eiúsdem Spíritus.

R. Amen.

Et aspergatur aqua benedicta.

41

BENEDICTIO ANULI S. IOSEPH

Propria eiusdem Ordinis

V. Adiutórium nostrum in nómine Dómini.

R. Qui fecit cælum et terram.

V. Dóminus vobiscum.

R. Et cum spiritu tuo.

Orémus.

Oratio

Deus, cuius verbo sanctificántur ómnia, quæ percípi-mus: effúnde, quæsumus, bene * dictionem tuam super nos et super hunc ánulum; ut per intercessiónem beatæ Mariæ semper Vírginis ac eius Sponsi Ioseph, quæcúmque præsentis vitæ necéssitas póstulat, misericórditer cum gratiárum actióne assequámur. Per Christum Dóminum nostrum.

R. Amen.

Et aspergatur aqua benedicta.

BENEDICTIO INFIRMORUM CUM LIGNO
SANCTISSIMÆ CRUCIS D. N. I. C.
SEU SIGNUM S. MAURI ABBATIS

Propria Ordinis S. Benedicti

Antea rite exponatur Reliquia veræ Crucis Dominicæ, duabus saltem candelis accensis. Excitetur deinde in infirmo actus contritionis et firma fiducia, ut, adiutus meritis S. P. Benedicti et S. Mauri, ipsis intercedentibus, si Deo placeat, sanitatem obtineat. Recitentur tres Pater totidemque Ave, Mariæ et Glória in honorem Sanctissimæ Trinitatis: tum Sacerdos, indutus superpelliceo et stola rubri coloris, manu dextera tenens elevatam Reliquiam sanctæ Crucis coram infirmo, dicit:

V. Benedictio et claritas et sapientia et gratiarum actio, honor, virtus et fortitudo Deo nostro in sæcula sæculorum. **R.** Amen.

V. Pes meus stetit in directo.

R. In ecclesiis benedicam te, Domine.

Invocatio

Per sanctissimum nomen Domini invocatum, optatam tibi donet sanitatem illa fides, qua sanctus Maurus per sequentia verba ægròtos sanavit, et in qua ego, licet indignus peccator, eisdem preces super te humiliter profero:

In nomine sanctissimæ et individuæ Trinitatis, adiutus meritis sanctissimi Patris Benedicti, sta sanus(-a), o **N.**, et incolumis super pedes tuos rectus(-a). In nomine Patris, et Filii, * et Spiritus Sancti.

R. Amen.

Ant. Vere languores nostros ipse tulit, et dolores nostros ipse portavit, cuius livore sanati sumus.

V. Qui propitiatur iniquitatibus hominum.

R. Ipse sanat infirmitates tuas.

V. Domine, exaudi orationem meam.

R. Et clamor meus ad te veniat.

V. Dominus vobiscum.

R. Et cum spiritu tuo.

Orémus.

Oratio

Deus, omnium conditor creaturarum, qui ad restorationem humani generis unicum Filium tuum, cooperante Spiritu Sancto, ex Mariæ Virgine incarnari constituisti, et per sacrosanctum ac gloriosum vivificæ Crucis lignum vulneribus et languoribus animarum nostrarum, nos redimendo, subvenire dignatus es: ipse hunc famulum tuum **N.** (hanc famulam tuam **N.**) per vitalis huius signi virtutem ad pristinam reducere digneris sanitatem. Per eundem Christum Dominum nostrum. **R.** Amen.

Orémus.

Oratio

Domine Iesu Christe, qui magistro meo beato Benedicto dedisti potestatem apud te impetrare, quod in nomine tuo peteret: tu per ipsius intercessionem cunctos ab hoc famulo tuo (ab hac famula tua) languores repellere dignare; ut, sanitate percèpta, gratiarum actionem referat nomini sancto tuo: Qui cum Patre et Spiritu Sancto vivis et regnas in sæcula sæculorum. **R.** Amen.

Signum

Per invocationem immaculatæ Dei Matris et semper Virginis Mariæ, et per intercessionem sanctorum Benedicti et Mauri, Potentia * Dei Patris, Sapientia * Dei Filii, Virtus * Spiritus Sancti liberet te ab ista infirmitate. Amen.

Sicut fuerit beneplacitum eius, sic fiat, et fiat tibi, sicut petis et desideras ad laudem et honorem sanctissimæ Crucis Domini nostri Iesu Christi.

Ultimo benedicit infirmo cum Reliquia S. Crucis, dicens:

Benedictio Dei omnipotentis, Patris, et Filii, * et Spiritus Sancti, descendat super te, et maneat semper.

R. Amen.

Et porrigit ad osculum.

Hoc signum, si opus sit, repetitur per tres vices, sive diversis diebus, sive eadem die, iuxta necessitatem. Tres etiam Missæ votivæ, si lubet, nempe de Passione, de S. Mauro Abbate, et pro defunctis celebrandæ erunt: alioquin beatissimæ Virginis Mariæ Rosarium in tres partes distributum iuxta præfatam intentionem infirmus, si potest, recitabit vel recitari faciet.

BENEDICTIO AQUÆ IN HONOREM B. M. V.
ET S. TORELLI CONF. PRO INFIRMIS

(Breve 16 Decembris 1628)

℣. Adiutórium nostrum in nómine Dómini.

℞. Qui fecit cælum et terram.

℣. Dóminus vobiscum.

℞. Et cum spíritu tuo.

Orémus.

Oratio

Deus, qui miseratióne tua cælesti homínibus nóxia súbtrahis, et benigna concédís, quique, mota per Angelum tuum aqua, languórem in probática piscína eripiéndó, valetúdinem contulisti: infúnde in aqua ista tuæ bene * dictiónis rorem; ut de ea suméntes, méritis et pré-cibus beatíssimæ Mariæ Virgínis ac sancti Torélli Confes-sóris, sanitátem consequántur infirmi, paritérque fecundátæ mulieres a malis ingruéntibus salvæ, partúsque suos ad sacrosáncti Baptísmi grátiam feliciter perdúcant. Per Christum Dóminum nostrum. ℞. Amen.

Et aspergatur aqua benedicta.

BENEDICTIO AQUÆ
CUM RELIQUIIS S. PETRI MARTYRIS

Propria Ordinis Prædicatorum

Sacerdos, superpelliceo et stola rubri coloris indutus, dicit:

℣. Adiutórium nostrum in nómine Dómini.

℞. Qui fecit cælum et terram.

℣. Dóminus vobiscum.

℞. Et cum spíritu tuo.

Orémus.

Oratio

Deus, qui ad salutem humáni géneris máxima quæque sacraménta in aquárum substántia condidísti, adésto propítius invocatióibus nostris, et eleménto huic aquæ,

quod beáti Petri Mártyris tui virtúte consignámus, virtútem tuæ bene * dictiónis infúnde: ut, per intervéntum eiúsdem Mártyris tui, sit fidélibus tuis in remédiúm salutáre, dáemones ab eis eiciens, morbos ac infirmitátes córporis et ánimæ repéllens, et præsta; ut, quicúmque eam sumpserint, vel ea aspérsi fúerint, ab omni adversitáte ánimæ et córporis liberéntur, et utriúsque hóminis recipiant sanitátem. Per Christum Dóminum nostrum.

℞. Amen.

Orémus.

Oratio

Imménsam cleméntiam tuam, omnipotens ætérne Deus, humíliter implorámus: ut hos fidéles tuos, ad reliquias beáti Petri Mártyris devóte accedéntes, et eius suffrágia postulántes, tua ineffábili virtúte bene * dicere dignéris; ut, per intervéntum eiúsdem Mártyris tui, ab omni ægritúdine mentis et córporis liberáti, tuáque hic et ubique misericórdia custodíti et grátia salváti, post huius quoque viæ ac vitæ cursum, ad ætérna mereántur gáudia pervenire. Per Christum Dóminum nostrum.

℞. Amen.

BENEDICTIO PALMARUM
VEL ALIORUM RAMORUM
IN FESTO S. PETRI MARTYRIS

Propria eiusdem Ordinis

℣. Adiutórium nostrum in nómine Dómini.

℞. Qui fecit cælum et terram.

℣. Dóminus vobiscum.

℞. Et cum spíritu tuo.

Orémus.

Oratio

Dómine Iesu Christe, Fíli Dei vivi, béne * dic hos árborum ramos supplicatióibus nostris: et infúnde eis, Dómine, per virtútem sanctæ Cru * cis et per intercessiÓNem beáti Petri Mártyris, benedictiÓNem cælestem,